



सानसेयारि 'बड'सा' खरौलाइयाव समाज्यादि जिउजो लोखा थानाय रायथाय, खन्थाय, सल', सल'बाथा आरौ दावबायादि थावनि, पाक बाइदिनि सायाव लिखनाय लिखिबां दैथाय हर/सानसेयारि 'बड'सा' खरौलाइया खेबखानाने फोखावगोन।

बड'सायाव लिखनायनि हुबा खालाम, 'बड'सा' खरौ नोथो, जो बयबो आंगो खालाम।

सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, विटिसि-783370  
Website: www.bodosanewspaper.com

BODOSA ★ A Bodo News Daily ★ Friday ★ 14 July, 2023 Kokrajhar, BTC, Assam ★ Vol.- 33, Issue No. 110 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs.-/

## राइज्यो सरकारा गिबि मन्थि आवास यजना मुंजो गोदान बिथांखि आजवावगोन

# 2024 बोसोरनि फेब्रुवारी दाननि गेजेराव 6 लाख न'फोरा आबुं जागोन: गिबि मन्थि

दिसपुर, 13 जुलाई: आसाम सरकारनि पन्चायत आरो गामि जोगाखां बिफानजो दिने शंकरदेब हरिमायारि सावराय न'ब्लाडव आसामाव गाहाइ मन्थि आवास बिथांखि (गामियारि)नि सिडाव 3 लाखनिबो बांसिन मुलाम्फायारिनि गृह प्रबेसनि लोब्बायै खुनाय मिरुयारि हाबाफारियारि गिबि मन्थि उ हिमन्त बिश्व शर्माआ बाहागो लायो। गिबि मन्थिआ बुडोदि, गाहाइ मन्थि नरेन्द्र मदिआ 2024 माइथायनि गेजेराव बयनिबो थाखाय थाग्रा न' होनायनि सिमांखो मोकथां महर होनो थाखाय राइज्यो सरकारा गामियारि ओन्सोलाव निखावरि आरो रांखान्थियारि महरै गोग्लैसोनाय नख'रफोरनो भारत सरकारनि गाहाइ मन्थि आवास बिथांखि (गामियारि)खो राइज्योयाव मावफुंदो। गामि ओन्सोलाव जिउ खुनाय गंसे निखावरि



नख'रा जाहते बे मिजिंथायाव बिथांखि मोन्नायनिफ्राय जानगाराव थानो नाड बेनि थाखाय सिगांगो बिथायाव पन्चायत आरो

गामि जोगाखां बिफाना बे बिथांखिखौ मावफुंनयनि खामानि मावबाय थादो। बिथाड बुडोदि, बे थाग्रा न'फोरखौ आबुं



खालामनो थाखाय साफ्रोमबो गेजेरजो थोंजोडे होनाय जादो। गिबि मुलाम्फायारिफोरनो गासै 1 लाख 30 रेजा राडे बेंक एकाउन्टआव मोन्थाम किस्टिनि

थोंजोडे होनाय जादो। गिबि मन्थिआ बुडोदि, गाहाइ मन्थि आवास बिथांखिनि सिडाव खिखरसाति, जल

जीवन मिसननि सिडाव गोगो लोंग्रा दे जगायथाय, सौभाग्य बिथांखिनि सिडाव मोब्लिव जगायथाय, गाहाइ मन्थि उज्वल बिथांखिनि सिडाव संग्रा गेसनि फोनांजाव आरो एम जि एनेगामिनि सिडाव 95 साननि खामानि होनायनि राहा खालामनाय जादो। सशिय'इकन'मिक्स कास्ट सेन्सास (एसइसिसि) आरो आवास प्लासनि बिथायाव बे बिथांखिनि सिडाव जागायजेनायनिफ्रायनो राइज्योयाव गासै गं 19,10,823 न'नि गनायथि होनाय जादो होना मख'नाने गिबि मन्थिआ बुडोदि, बेनिनो गं 12,43,584 न'नि लुनाय खामानिफोर आधिखालाव आबुं जादो। लुनाय खामानि आबुं जानाय न'नि गेजेराव आधिखालाव सरकार बिबान रुजुनाय समनिफ्रायनो गं 8,34,839 न'फोरखौ लुफुंदो होनानैबो (□ 5 बिलाइआव)

## एन एल एफ बिआ मुंख्लं सान फालिदो



कक्राझार, 13 जुलाई: बिटिआरनि गोजोन गोरोबथानि उनाव वर' माहारिनि थावनिथाव गोदाने जोनोम मोन्नाय उतखारि हान्जा से बोसोरनि थाखाय दावहा दोन्थ'नाय एनएलएफबि हान्जाया दिने कक्राझार आरो उदालगुरि जिल्लानि मोनने डिजिगनेटेड केम्पआव मुंख्लं सान फालिदो। मख'नो गोनांदि, कक्राझार सहरनि 2 कि.मि: सो जान्थायाव थानाय चान्दामारिनि एनएलएफबिनि डिजिगनेटेड केम्पआव दिनेनि (□ 5 बिलाइआव)

## कक्राझार आरो चिरांनि दाब-दाब जायगाफोराव दै बानानि गोहोम बिजनीयाव दै बानानि थासारिखौ नायगिदिं हैदो बिटिआरनि गाहाइ प्रमद वर'आ

बिजनी महकुमानि गं 30 गामिया देजो लोमसाव जादो

कक्राझार, 13 जुलाई: थानाय माखासे सानफोर सिगांनिफ्राय थाद'नाय गैयै जुब-जुब अखा हाबाय थानायनि जाहोनाव भुटान हाजोनिफ्राय बोहैख्खायबोनाय माखासे दैमा दैसाफोरनि देखोनायाव कक्राझार आरो चिरां जिल्लानि दाब-दाब



जायगाफोराव दै बानानि थासारि सोमजिदो। मिबथिनाय

बायदिब्ला, भुटान हादतनिफ्राय हगारहसनाय दैआ कक्राझार आरो चिरां जिल्लायव लोमसावफैना

गोबांथार नख'रफोर आरो सुबुंफोरखौ खैफोदआव खोख्लैदो। बेबायदिनो कक्राझार

जिल्लानि गसाइगाव महकुमानि सिडाव थानाय बरबादा, (□ 5 बिलाइआव)

सालकचायाव मोन 350 था मुलाम्फायारिफोरनि लुनाय न'खौ बेखेवदो

चापर, 13 जुलाई: राइज्योनि गुबुन गुबुन ओन्सोलजो लोगोसे धुबुरि जिल्लानि चापर सालकचा जोगाखां खोन्दीनि बेखनाव थानाय मोन 12 गाव पन्चायतआव दिने बृहस्तीवारआव प्रधान मन्थि आवाज यजनायाव हाबनाय हाबाफारिखौ फालिनाय जायो होनानै एकाउन्टे अकिल खाकतिआ मिबथिहोदो। हाबाफारि बायदिथै गिबि खोलोबाव सा 350 (□ 5 बिलाइआव)

## भुटाननि करिचु बान्दोनि दैखौ हगारहरगोनखौ लानाने बाक्सा आरो बरपेटा जिल्लानि राइज्योफोरा जिंगा सिदो

सालबारि, 13 जुलाई: बाक्सा जिल्लानि सालबारि महकुमानि सिडाव थानाय उदालगुरि, बालिपुर, नारायणगुरि, एलेमारि आरो सुनबारिनिफ्राय लानाने बेफोर गासै ओन्सोलफोराव भुटान हादतनिफ्राय हगारहरनाय दैआ गिखं थावै लोमसावफैगासिनो दं होनाने सुलुडाव फोरमायथिदो। लोगोसेनो बाक्सा जिल्ला खुंथाइआ दै बानाजो लोमसावजानाय 1 रोजानिखुडुबो बांसिन सुबुंफोरखौ



रैखाथि गोनां जायगायाव लाबोनाय जादो। बबेखानि भुटान हादतनि करिचु हाइड्र प्रजेक्टनिफ्राय मोनसे खौरनि गेजेरजो मिबथिनाय बायदिब्ला,

हायेनआव थानाय बाक्सा आरो बरपेटा ओन्सोलनि दै सेराव थानाय सुबुंफोरनि गेजेराव संखिखोहोदो। मख'नो गोनांदि, दिने मोनानि 12 रिंगायाव

भुटाननि करिचु बान्दोनि दैखौ हगारहरनाय हसनाय जागोन होनाने भुटान राइज्योआ बाक्सा जिल्लानि खुंथाइनो मिबथि (□ 5 बिलाइआव)

बासुगाव, 13 जुलाई: राइज्योनि दाब-दाब ओन्सोलजो लोगोसे चिरां जिल्लायवबो नागरनो रोडे अखा हानायनि जाउनाव आइ दैसानि लोमसावनाय दैया गिखंथाव महर लानाने ओन्सोल नाडेनो गोबां खहा खालामबोदो। बे खेबावबो नागरनो रोडे अखा हानायनि जाउनाव सोमजिनाय दै बानायाव चिरां जिल्लानि माखासे गामिफोर लोमसावदो। बेनि गेजेरावनो दिने चिरांनि नाडलभाड दैसायाव गंसे साखा



खबब्रे गारिया बोहैखारजायो। थानाय हराव हरखाबै नागरनो रोडे अखा हानाय आरो भुटाननिफ्राय बोहैबोना दैया नाडलभाडा दैसानि सेराव

लाखिना दोन्नाय गारिफोरखौ बोहैखारलाडो। मख'नो गोनांदि, हरखाबै बोहैबोनाय दैसानि दैया नाडलभाडा ओन्सोलनि माखासे गामियाव

लोमसावहैयो। बोसोरफोमबो सोमजिनाय दै बानाया ओन्सोलनि राइजो-राजाफोरखौ नोरजिया खालामदो। बेनि (□ 5 बिलाइआव)

## नेसनेल हेल्थ मिशन आसामआ डिजिटल हेल्थ कनक्लेभ मावबादा खुंदो



गुवाहाटी, 13 जुलाई: नेसनेल हेल्थ मिसन आसामआ दिने 12 जुलाई, 2023 अक्टुखालि गुवाहाटीआव थानाय आसाम एडमिनेस्ट्रेटिभ स्टाप कलेजआव मोनसे राइज्योआरि थाखोनि नायसं मेल आरो अनलाइन देहा पर्टेलनि सायाव मावबादा खुंदो। दिनेनि नायसं मेल आरो मावबादाखो मासि लानाने दैदेन्दो नेसनेल हेल्थ मिसन आसामनि मिसन डाइरेक्टर (□ 5 बिलाइआव)

## ग्रिह' प्रवेस बिथांखिनि गेजेरजो गावनि बियाबाव पि एम ए वाइ - जि न' बेखेवदो एम एल ए जिरन बसुमातारीआ

गसाइगाव, 13 जुलाई: राइज्यो सरकारनि ग्रिह' प्रवेस बिथांखिनि गेजेरजो दिने गुबुन गुबुन ओन्सोलजो लोगोसे एम एल ए जिरन बसुमातारी बिथांखिबो गावनि बियाबाव पि एम ए वाइ-जि न' बेखेवदो। ग्रिह' प्रवेस बिथांखिनि गेजेरजो दिने आसामनि गिबि मन्थि उ हिमन्त बिश्व शर्माआ राइज्योनि गासैबो ओन्सोलफोरावनो पि एम ए वाइ-जि न' बेखेवदो बिथोन होनाय बायदिनो 28 न' गसाइगाव बिधान सभा बियाबनि एम एल ए जिरन बसुमातारीआबो गावनि



बियाबनि सिडाव थानाय दावागुरि, माकताइगाव आरो बुरासारा मोन्थाम पि सि डि सिनि सिडाव पि एम ए वाइ-जि

न'फोरखौ बेखेवनाने होयो। बे हाबाफारियाव 28 न' गसाइगाव बिधान सभा बियाबनि एम एल ए जिरन बसुमातारी, इन्जिनियर,

जमदुवार बियाबनि टि सि एल सि सिनि लेडइ मासिगिनि नितुन बसुमातारी, पि सि डि सिनि मासिगिनि बिथामोनजो लोगोसे इड पि पि एल दोलोनि गोबां दैदेनगिरिफोरखो बाहागो लानायखो नुनो मोन्नाय जायो। न' बेखेवनाने होनाय हाबाफारिनि गेजेरजो भारत सरकारनि पि एम ए वाइ-जि बिथांखिनि गेजेरजो गरिब सुबुंफोरनो न' होनायखो जोबोद गोजोनाय मोन्दो होना फोरमायनायजो लोगोसे न' मोनगिरि बिथांमोनखो न'खौ जोथोनै लाखिनो थाखाय खवलायबावयो।□

## आबगारि बिफाना आइन बेरेखायै जौ रोगानाय गारिजो लोगोसे सासे सुबुंखौ हमदो



तामुलपुर, 13 जुलाई: बाक्सा जिल्लानि तामुलपुर महकुमानि भारत-भुटान सिमनानि दरंगामेलायाव 24 न' बेर्टेलियन एसएसबिनि हेफाजाबाव दिने आबगारि बिफाना आइन बेरेखायै जौनि हेंथायै हाबाफारि लानाने सासे सुबुंखौ हमनो हायो। भारत-भुटान सिमनानि दरंगामेलायाव थानाय एन के र'डआव आबगारि बिफाननि मावफारियाफोर आइन बेरेखायै जौ (□ 5 बिलाइआव)





## मिथिंगा

जौनि बे मिथिंगा फुरिया  
मा एसेबां समायना!  
जैरिथि नायो बेथिनो नुयो  
बिफां-लाइफां, सारि-सारि  
राय खान्थाल, थाइजौनि बारि  
हाजो-हाला लारि-लारि  
दैमा-दैसा जिरि-जिरि।  
बेसेबां समायना, बेसेबां रमायना  
जौनि बे मिथिंगा फुरिया।  
बिफां-लाइफां फिथाय-साथायजों बुंफबनाय  
बायदि रोखोमनि अमृट फिथाइ,  
माखों जानो माखों दोन्नो  
जेबो जेनिबो आंखाल गैया!  
नौनि अन्नायावनो थानानै थायो  
मानसि, दावसिन-दावला  
एम्फौ-एनला जिब-जनिात  
थारैनो नौं जौनि अनफावरि मिथिंगा।  
सानबाबो सानस'हाया  
मिथिंगानि महरखों छिन्था हाया।  
उदां बोथोरनि बेलासि समाव  
दाव-खौवौनि, गाबनाय देखोजों  
रोमै-रोमै रिखांफेयो-!  
दाहा गोनां नौनि गाबनायखों  
फरोमाया मानो रजे नौं-  
गोसो झायो आंबो अराय  
मिथिंगाजों लोगोसे रंजानो मोसाफनो।

बोहैथि बसुमतारी  
गामि-गयबारि  
ला:सो:-दतमा  
जिल्ला-कक्राझार बितिस् (आसाम)

## अन्नायनि फाख'नाव

अन्नायनि बैथाजों  
मोजां मोन्नायनि दिडखौ  
जावदोमोन आं नौंखौ लानानै  
गोबोआव रोजासे मिजिं लानानै।  
लैथो रुगुडव जारो साननि रिफिनाय  
दावब' फालो अखरां सायाव,  
हाब्रां सेर सेर दावमा-दावसानि मेथाइ  
बेसे गोजोन्थावमोन।  
नाथाय हालिया आं सौहैने थांखि याव  
मेगन गोसा बारहुंखानि सिमब्रेनायजों  
थलं-थफं गुथालाव गेलैनांबाय।  
जैरैबो नायहरो नुसया रुगुं  
थानो बौरै फेफिनो बौरै  
हारिया जावनो बैथायानो बायफलेबाय।  
मिथिलिया आं  
रानथे लिया दाहानि मोदैया  
नौं मिनिदों ना गाबदों।

अमर नार्जारी  
गामि-पासालाबारि  
ला:सो:-बेतानापारा  
जिल्ला-सिरां, बितिस् (आसाम)

## जिउनि जारिमिन

दंमोन आंहाबो बे संसाराव  
बिमा-बिफा! गैया  
नाथाय जानाय-लौनाय  
दिनै जाबा गाबोन गैया  
दंमोन आंहा मोनसे सिमां  
नाथाय जाफुंसारनायनि  
लामाखौनो नुहराखिसै आं  
सान्दोमोन आं गोबां गोजौ  
थाखोसिम सोलौंथाइ  
लालानो नाथाय  
नख'राव आंहा जेबो  
गैया। सोर आय'  
होननो आंनि बे  
जिउ जारिमिनखौलाय,  
गैया आंहा बे संसाराव  
गोजोन होन्नाय खालि  
दं दुखु-दाहा सामफ्रोमबो  
मेगनाव मोदै खुगायाव  
खुदै। मालायनि गोदान-  
गोदान गान्नाय-जोमनायखों  
नुब्ला लुबैसै।  
मालायनि जानाय-लौनायखों  
नुब्ला खुदै मन'नानै उदै  
हमथानानै थानांसै मा  
जाबावगोन बे आंनि  
जिउआ.....???

श्री देरहासार ब्रह्म  
गामि-गसाइगाव मालागुरि  
थाखो-मेट्रिक आन्जाद

## हांगार

हाबिलासनि गुसेब सिमा  
जायनि गोसोयाव दड  
नंगौ बेनो सुबुं।  
धोरमनि मुं लानानै  
संसार सिफायग्रा  
बेसोरनो गोसोम हांगार।  
गावसा गावसि हनै  
सुबुंनि धोरम  
गुबुंले जाबाय  
गावनिनो गोरोनियाव  
करान बाइबेल उपनिषद  
सोरनि सायाव  
होखारनो दाइ?  
इनायनि बेंथा-बेंथि  
हस्रिकावनाय सिथारनाय  
उदां अखाडव  
गोसो हांगारनि उखुन्दै  
गेसाव मोनामदों सुबुंनिनो  
खामफ्रामनाय आगोमा सोलेर,  
गोसोम हांगारनि गोहोजों  
बिरबायनाय अखांनि फेरेंगाया  
मिनिहरदों गां बुब्राबनानै  
सुबुंनि धोरम गुबुंले लैथोखौ  
मानोना सुबुड दिनेहाय  
मिथिंगाजों मुगैजानाय जिब।

श्री मोकथां बसुमतारी बि ए  
गामि-सा-देबल्युरि

## जों गिया

जों गिया जों गिया  
थैनायखौ जौलाय गिया  
थागिबि मोन्नांगो मोनथाय  
दावगागोन मोनथायखौ लाना।  
दावगा जोहोलाव जोहोलावजो  
सुथुरनि हेंथायै गंसथानो  
गावनि बैसोमुथिखौ उदां खालामनो।  
जों रावखौबो गिया-गिया  
माब्लाबाबो दाफासय दावहारु हान्जा  
होसो-सोहो जौनि सुथुरखौ  
बिखा फोरदाना जाजिन् खाफ्राना  
गिख गोसो जौनि नड।  
नागिरगोन नाजागोन सयथिबो  
जौनि जुजिनायआ देरहासारखा।  
नोजोरा जेब्लाबो सिगाडव ना  
सुथुरखौ फेजेनगोन गावखौ फसंगोन  
अराय होगोन उदां फिरफिला  
जेन्नाय फासयनाय जौनि नड  
थैनायखौ जौलाइ गिदि साना।

## गोदहन आबहावा

मुस्रि सनिराम बसुमतारी

हायरे ! बे मुगायाव  
संसारनि बोहैथि दैया मासेबां गुबुंले,  
थरथिसे गोगो नागिरनानै मोननो गोब्राब;  
आनान ग'साइयाखि गुबुंले दैजो खुसि जागोन,  
बेफोर देखौ लौब्लाखि सुबुंनि  
देहाया गोखों जागोन।  
बेखायनो नामा बे जिउआ  
थोजासे आदार मोनजायै,  
गावनि बिगोमाजों नायस'नजायै  
बेगेंजों बिगुरजों जानाय लामानि  
सैमा फाखि!!  
आंखो सोर जोनोम होयामोन आं मिथिया,  
आंनि आफाया मा  
बायदिमोन आं सिनाया;  
खायसेबा बुडो-आंलायनो  
माइबारिनि फिसाज्ला,  
आरो खायसे बुडो-आंलायनो  
मोब्लौनि मोखांसे  
नाथाय दिनै आंदि मोदाय गथ'(Basterd)।  
मालाय बिजय, पिंकि मोनहा बिमानि  
आहार मोनजानानै देरदों,  
मालाय बिफानि फाफिलयाव  
गाखोनानै गराइ दान्रायानो मोन्दों;  
थेवबोदि बिसोरनि  
आंथि-आखायफ्रा मोनिया,  
बिसोरनि बिखाया लांदां एलबाम।  
गोगो दै नागिरब्लाबो मोनैयाव  
आं आनान ग'साइखौनो  
सिबिनो हाया जाबाय,  
देहायाबो लोरबां-थोरबां जाबाय,  
खुगायाव आवरायो फेथेर-फेथेर आर'ज  
गोसोयासो थिर नड  
मानोना आनान ग'साइयाबो खेवसेखौ खोनासड,  
बिनि खोमायाबो सोरबां कुंबीरजों  
थुलासो माथु जाबाय नामा!  
नाथाय दाबो दावखायादि फुराखें,  
दावब'थादि गोसोम गाब गायाखें  
दैयाबोदि साहाथि बोहैयाखें।

# रंजालि गथ'फोरनि सौरा

## आं आंबादियैनो थानो लुगैयो

नोजोरनिफ्राय गोमालानाय सावगारि  
आरो आन्दो फेसालिया  
दा सिमां आजोलिनि  
अखांसे बाथाखौ लाना थाबायो!

जिउनि आन्दो फेसालिखौ बेखेवना  
गोजान लामाखौ संदानै  
अगाले मोननाय गोरबोआबो दा मानोबा  
खाव जायै बादि।

नोजोरनिफ्राय गोमालानाय सावगारिया दा  
मानोबा जंखायहरो आरो  
बायगर सिमांनि मोन्दौथिखौ लाना  
थाबोनाय गोदे बुब्लिखौ गोसोखांहरो  
आरो हांखुर जाफायो बै बुब्लिखौ नागिरना!

संसारनि सिरिथिखौ नागिर नागिर  
आं थाबायो दिनेबो  
नोगोरमानि मोखां फारसे सिरियै  
आरो आं लुगैया मोनसे मोखां सोलायनो।

अनजालि सरगियारी  
बाक्सा

## जावजा खन्थाइ

रजे नौनि अनसुमै राव  
गोसोखाडो अराय समाव  
नुदों माथो गोसो गिलिरि  
बाजैया जादों माबाफोर  
गोदे गोदे खन्थाइ रेबगोन  
रजे नौं अनसायनो नांगोन  
नौनि अनसायनाय सिबिनाय  
बेनो जिउ बाराय आगाननाय  
जोबोर मोजां खनथाइनि राव  
सोरजिलांबाय था बिनानाय  
गुबुंले मानसिजों नौंलाय  
मानो सैमा खिफिदेरनाय

-रैदोम बर',  
माजदिया, बगुलामारि,  
बाक्सा

## जोमै

सोमखोर गाबनि  
अखोरनि सायाव  
साग्लोबनानै थायो नौं,  
बोथोर लानानै  
नौनि महरा सोलायो,  
साननि बिदुंखौ  
दाखोर-दालाफोरनि दैआ  
खफ'आव  
महर सोलायनानै  
नौंजों लोगोसे

गोरबनानै थाफाहैयो।  
नौंजों सम सम  
अखा महाराव  
फैफायो।  
नौं एखनब्ला बुहुमनि  
बिखायाव  
गिसिसे अखा खोख्लैयो  
एखनब्ला नुजायो एखनब्ला  
नुजाया  
नौंखौ गाहायनिफ्राय  
नायहरोब्ला  
जोबोर समायना नुहरो।  
नाथाय नौनि महरा मा बायदि  
जों खाथियाव नुनो मोना  
दावसिन दावला फोरानो  
नौनि सेर सेर  
बिरथिबायो।  
सार अन्थाय, बारहुंखा  
नौनि महरा  
नौनो बुहुमनि मानसिफोरखौ  
फोथाना लखियो।  
सार-अन्थाय बारहुंखा  
महरब्लाबो  
नौं जोबोद अनसुला।

मुस्रि मिथिंगा गयारी

## बालाबगासे सावननि बै अखाडव

सावननि लद्रा जोमै दाखा फारसे  
आंनि मिनिस्तु हांफोरा खिरखिजों बिरलांखोमायो,  
मोनफ्रोमबो हरगेजेरनि थुखा सिमांफोर बिसोरबो  
दाख्राय दाख्राय बिदाबगोबां मोख्यांनि आगर एरखानो सानो।

रोमै रोमै बिरलांखोमानाय हांफोरजों  
बायगर मिजिंफोराबो जोबोरैनो हांखुर हांखुर  
गांसुनाय गांखं फारनैजों बुलाबलादोंब्लाबो  
आलावरि-बिलावरि सिदोमा गोरबोआ  
दाबोनो एम नागारनो गोसो गैया।।

नोजोर सेरेबनि फाईलिजों बिरफुंलानाय  
रोखा नडैसानस्त्रिफोराबो गुसुथि फेनफिननो नाजायो  
सम सम अर सालाइयाव आखाय दानानै  
सतबांसा लाब्र'बायनोबो नाजायो  
मानोना बिहा गिनांगो दं मोख्यांनि मायाथिलियाव।

जेखिजादोला,  
सिमांनि दाख्रायनाइ  
बायगर मिजिंनि हांखुर जानाय  
सिदोमा गोरबोनि एम नागारै  
आरो

रोखा नडैसानस्त्रिनि गुसुथि फेननाय  
मोख्यांनि आन्दोआव फान्दो दा फोनांथोंसे  
बालाबगासे सावननि बै अखाडव।।

हेमन्त ब्रह्म  
सनितपुर

## जौमोन

गेंना थायो जेब्लाबो  
फागुनिन जावलिना बारजों  
लाइमोन बैसो गोसोनि दरजा,  
लाजिगुसुथै फानजादि जोबथेना  
जोनोम होनो नाजायो  
आंनि नौंखौ मोजांमोननाय,  
खाबु होयो  
खाबु लायो  
नौनि दैमुसे गोबौनि अन्नायाव गोजोमनो,  
उरां फारां बिरथिबायनाय जोमैफोराबो  
हाजोनि बिखायाव गेलैमहैदों,  
जानांगो जौमोननि बिरबायनाय गोसोआबो  
नौनि गोरबोआव जायगा मोनब्ला  
दान्दिसे जिरायहैगो,  
रोदोमगौ मेसें बोथोरनि  
रानस्त्राव जालानाय गोरबोआ  
अन्नायनि जाखिसे अखा हानायमोनब्ला,  
बायगर गोसोआ उसाव बाददाव  
जौमोन बैसोआव,  
मैनो रोडेहास्थायगो जोहोलाव आखु  
दं थै लाइमोननि,  
दुंबुद मेवरु सोलेरजों  
बेखेवना दोनो आं  
जेब्लाबो गोरबोखौ नौनि थाखाय,  
फैयोब्ला नौं  
गोबाना लागो बिखायाव  
फारनै आखाइजों थाइने मेगनखौ मैसिबना।

- राजिब देमारि  
बाक्सा

ELECTION COMMISSION OF INDIA			
Nirvachan Sadan, Ashoka Road, New Delhi-110001.			
No.282/AS/2023(DEL) /Vol.IV	Dated: 12 <sup>th</sup> July, 2023		
<b>NOTICE</b>			
The Election Commission of India issued order and notification of even no. dated 20 <sup>th</sup> June, 2023, inviting suggestions and objections to its draft proposal on the delimitation of Assembly and Parliamentary constituencies of the State of Assam, by 11 <sup>th</sup> July, 2023. In this connection, about 500 suggestion/objections have been received by the stipulated date. All these are under consideration of the Commission.			
Now, the Commission has decided to hold public sittings in the State of Assam to hear the suggestions/objections, as received from the persons with reference to its draft proposal published on 20 <sup>th</sup> June, 2023 in the Central & State Gazettes as well as in vernacular newspapers. The Schedule for public sittings is as under:-			
Public Sittings			
Date	Time	Venue	Districts
(19.07.2023)	15:00 Hrs onwards	Srimanta Sankaradeva International Auditorium, Kalakshetra, Panjabari Road, Guwahati.	Kokrajhar, Chirang, Baksa, Udalguri, Karbi Anglong, West Karbi Anglong & Dima Hasao.
(20.07.2023)	09:30 Hrs – 12:00 Hrs	Srimanta Sankaradeva International Auditorium, Kalakshetra, Panjabari Road, Guwahati.	Dhubri, Goalpara, South Salmara, Bongaigaon, Barpeta, Nalbari, Karimganj, Hailakandi & Cachar.
	12:00 Hrs – 14:00 Hrs		Kamrup, Kamrup (M), Nagaon, Sonitpur, Morigaon & Darrang.
	15:30 Hrs onwards		Interaction with National and State recognized political parties (in alphabetical order).
(21.07.2023)	09:30 Hrs to 12:30 Hrs		Dibrugarh, Tinsukia, Dhemaji, Lakhimpur, Sibsagar, Jorhat, Charaideo, Golaghat & Majuli.
Those who have submitted the suggestions/objections and are desirous to present their matter before the Commission may appear as per the above mentioned program.			
JANASANYOG/DF/869/23			
Sd/- (ASHWANI KUMAR MOHAL) SECRETARY			



## टम क्रुजनि एमआइ 7 आ 'सत्यप्रेम कि कथा' खौ सोमोखाहोदौ

कार्तिक आर्यान आरो कियारा आडवानीनि सावथुन 'सत्यप्रेम कि कथा' नि रिलिज जानाया 2 सप्ताह आबुं जाबाय। सावथुनआ बक्स अफिसआव मोजां अपेनिं जादौमोन। नाथाय गिबि सप्ताहखौ आबुं खालामनायजौ लोगोसेनो 'सत्यप्रेम कि कथा' नि फालांगिया दावखलायदौ। आथिखालाव टम क्रुजनि सावथुन मिशन: इम्पसिबल-डेड रेकनिआबो सत्यप्रेम कि कथाखौ सोमोखां होदौ। एमआइ 7 आ बे बोसोरनि मच अभेटेड सावथुन। बेयो मोजां



बिजनेस खालामदौ। थानाय सानआव टम क्रुजनि बे एक्शन

एडभेन्चर सावथुनखौ मुलुगनाडे रिलिज खालामनाय जादौ। जायनि गोहोमा 'सत्यप्रेम कि कथा' नि बिजनेसआवबो गोरलैदौ। थानाय 29 जुनआव रिलिज जानाय कार्तिक आर्यान आरो कियारा आडवानीनि

सावथुनआ गिबि सानआव बक्स अफिसआव 9.25 कौटि रांखौ बिजनेस खालामदौ। अपेनिं डेआव मोजां जागायनायनि उनाव सावथुनआ उडकेन्दआवबो सरासनस्रा रां आरजिदौ आरो अपेनिं उडकेन्दआव 37.35

कौटि रांनि फालांगि खालामदौ। 'सत्यप्रेम कि कथा'याबो गुबुन सावथुन बायदिनो वार्क डेजनि जेनाखौ भुगिनादौ। गिबि रबिबाराव 11.50 कौटि रांखौ आरजिनायनि उनाव सावथुननि फालांगिया समबाराव दावखलायानाँ थौंजोडे 3.90 कौटि रांआव सौहैदौ। सावथुननि कालेक्शनआ बांद्राय दावखलायाखै आरो गिबि सप्ताहयाव 50 कौटि रांनि अन्जिमाखौ बारदौ। सत्यप्रेम कि कथानि नैथि सप्ताहयाव बक्स अफिस कालेक्शननि बाध्राखौ बुडोब्ला सासनिल्कनि रिपटनि बायदिब्ला सावथुनआ समबारावखालि (10 जुलाई) 2 कौटि आरो मंगलबाराखालि (11 जुलाई) 2.10 कौटि रांखौ फालांगि खालामदौ।

## माहाम देहानि राहा

अखा बोथोराव स्कीननि जेनानिफ्राय जानगाराव थानो निम आरो काम्परखौ बाहायनो हायो

अखा बोथोरयाव स्कीननि जेनाया गोखैयै बांनो हयो। गोबां खेब खुर, गुबुन मानलुनाय बायदि जाहोनाव नौथाडा गोलाव समसिमनि थाखाय जेनाजौ भुगिनांनो हागौ। बेनि अनगायै बे बोथोराव पिम्पल, ब्लिस्टर आरो स्कीन रेसआबो जायो, जाय गोलाव सम जेनायाव खोखैयो। लोगोसेनो अखा बोथोराव एम्फौ-एनला अरनायनि जाहोनावबो नौथानियाव मानलुनाय आरो आलौनाय जानो हागौ। बेबादिआव नौथाड निम आरो काम्परखौ बाहायनो हायो। (1) अखा बोथोरनि जोखोम जानाया नौथाडखौ गोलाव समनि थाखाय जेनायाव खोखैयो। बेबादिआव निम आरो काम्परखौ बाहायनो नौथाड माखासे जेनानिफ्राय जानगाराव थानो हायो। बे मोननैआ एन्टिबैक्टिरिएल आरो



एन्टिफांगल गुनफोरजौ बुंफबनायनि अनगायै बेयो जोखोम जानायनि दागोफोरखौबो बाडइ खालामो। बेनि थाखाय निम आरो काम्परखौ उन्नाने लानांगौ आरो बेखौ लेप बानायनाने लाश्रियै फुन्नाने लानांगौ। (2) अखानि दैआ स्कीनआव आलादा रोखोमनि मानखानायखौ सोमजिहोयो। बेबादिआव नौथाड निम आरो काम्परनि थाव बानायनाने गावनि स्कीननि थाखाय बाहायनो हायो। बेनि थाखाय निमनि बिलाइखौ काम्परजौ नारंखल थावआव लगायनांगौ। बेनि

उनाव बे थावखौ गावनि स्कीनआव फुन्नांगौ। बेयो नौथानि मान्नायखौ बाडइ खालामो। (3) आलौनायखौ मोजां खालामनो काम्परखौ नौथाड गोबां रोखोमै बाहायनो हायो। बेनि थाखाय नौथाडा काम्परखौ उन्नाने बेखौ इडके लिप्टासनि थावआव लगायनांगौ। उनाव बेखौ जेराव आलौदौं बेवहाय फुन्नांगौ। बेखौ सानफ्रोमबो बाहायनो हायो। नौथाड बेजौ गोबां जेनानिफ्राय रेहाय मोनगोन आरो गोजोन ह्यदंगोन।

## सुपारस्टार थलापति भिजयआ राजखान्थियाव थानो हासिगौ ना?



सुपारस्टार थलापति भिजयनि थाबैनो पलिटिकेल केरिया र जागायगोननि खौराड लाश्रियै सोराडव फैदौ। फोरमायनाय बायदिब्ला थलापतिआ आथिखालाव सावथुन आरो एक्टिनिफ्राय ब्रेक लानाने राजखान्थियाव आंखारसिगोन। रिपटनि बायदिब्ला थलापति भिजयआ रिलिज जानो गोनां सावथुन 'लिय' नि रिलिजनि सिगां तामिलनाडुआव आर्थिजौ दावबायगोनबो। बेयो रिपटल जादौ, बेनि सायाव दासिमाव रावबो मावख'आरि स्टेटमेन्ट होयाखै। रिपटनि बायदिब्ला थलापति भिजयनि पलिटिक्सआव थानो नागिसनायनि खौराड 11 जुलाईनि उन्निक्राय गोसारदौ। बे सानआव सुपारस्टारआ गावनि चेन्नाइनि मावख'आव सासे पलिटिशियानजौ लोगोसे ह्यदौ। लोगोसेनो फावखुंगुरआ तामिलनाडुआव मोनसे गिदिर आर्थिजौ दावबायनाय हाबाफारियावबो बाहागो लानो हागौनि बाध्राया गोसारदौ। बे गासैबो खौरांफोरा भाइरेल जानायनि उनाव आथिखालाव बुंनाय जादौदि, सुपारस्टार भिजयखौ गावनि सावथुन के रियारनिफ्राय 3 बोसोरनि ब्रेक लानाने राजखान्थिनि गिदिर हाबाफारि मावनाय नुनो मोनगोन। सुपारस्टार थलापति भिजयआ थाबैनो गावनि गोदान सावथुन 'लिय' आव दोहौ दिन्थिगोन। खौरांनि बायदिब्ला 'लिय' सावथुनआ मोनसे एक्शन थिराल सावथुन, जायखौ लकेश कनगराजआ बिथोन होदौ। लिय'आ 19 अक्टबरआव सिनेमाहलफोराव रिलिज जागोन। सावथुनआव थलापति भिजयनि अनगायै सन्जय दत्त, तृषा, अर्जुन गौतम मेनन बायदि गोबां फावगिरिफोरखौ नुनो मोनगोन। फारसेथि लिय'नि उनाव फावखुंगुरआ 'भेन्कट प्रभु' सावथुननि शुटिंखौ जागायगोन।

## बवालनि शुटिनि समाव भरुण धावनआ जाहन्वी कापुरनि सायाव दिन्थिनाय आखुनि सोमोन्दै फोरमायदौं


भरुण धावन आरो जाहन्वी कापुरआ आथिखालाव गावसोरनि रिलिज जानो गोनां सावथुन बवालखौ लानाने दौंसे देखोआ रिलिज जाबाय, जायखौ नायगिरिफोरा मोजां मोन्दौं। बेबादिआव आथिखालाव सानैबो स्टारफोरा गावसिनि सावथुनखौ प्रमसन खालामदौं। बेनि गेजेराव भरुणआ गावनि इन्टरभिडआव फोरमायदौं, शुटिंआ जागायनायनि से दानआव जाहन्वीजौं रायज्जायाखैमोन। भरुणआ बुंनाय बादिब्ला, जागायजेन्नायाव गाव 1 दान सेटआव थानौमोन आरो गाव बिजौं रायज्जायालासे थानो नाजादौमोन। मानोना गाव बिजौं थाबैनो लोगो जागोन होन्नाने मिथिगोमोन। गाव बिखौ आंजौं बिदि दाख्लाम आरो आंखौ एसे हासि थानो हो होन्नाने बुंदौंमोन। फावखुंगुरआ बुंबावदौं, गाव साफ्रोमजौंबो रायज्जायोमोन आरो मिथिनानैबो मिथियै बादि बिजौं



रायज्जायोमोन। जेब्ला गावसोर नेचारनि सीन खालामदौंमोन अब्ला बेनि जाहोनाव गावनि आरो बिनि थासारिआ आलादा जागोन होन्नाने गाव ह्यदौंमोन। मख'नो गोनांदि, बे सावथुननि गिबि देखो तुम्हें कितना प्यार करतेखौ सुबुंफोरा गोबां मोजां मोन्दौं। बे समाव अजय(भरुण) आरो निशा(जाहन्वी) नि गेजेरनि समायना रमान्साखौ दिन्थिदौं। देखोआव बिसोर सानैखौ

गावजौं गावनि सायाव अन्याय होलायनाय नुनो मोन्दौं। सावथुन बवालनि बाध्राखौ बुडोब्ला बेयो मोनसे लाभ स्टरि, जायखौ नितेश तिवारिआ बिथोन होदौं आरो साजिद नाडियाडवाला प्रडाक्सन हाउसआ प्रडिउस खालामदौं। बे सावथुनआ थाबैनो अटिटि प्लेटफर्मआव रिलिज जागोन। 21 जुलाईआव भारत आरो दर 200 हादरफोरनि प्राइम भिडिअआव रिलिज जागोन।

## एसियान गेम्सनि रेसलिं ट्रायल्सआ खुंफुं जानायनि लामायाव



गोदान दिल्ली, 13 जुलाई: हंजौ एसियान गेम्सनि थाखाय रेसलिं टीमनि सेलेक्सनखौ लानाने ट्रायल्सनि अक्टखौ थि खालामबाय। भारतीय अलिम्पिक एस'सिएसननि एडहक कमिटिआ 22 आरो 23 जुलाईखालि केडि यादव इन्डस्ट्रियामआव ट्रायल खुंफुंनो

थांखि लाबाय। नाथाय सोरबादि रेसलारफोरा गेलेगोन आरो बेनि नेमखान्थिआ माबादि जागोन बेनि सायाव शुक्रबारसिमआव थिरांथा लाफिनो हागौ। मिर्जिथिनाय बादिब्ला, धर्नायाव बाहागो लानाय रेसलारफोर फारियै भिनेश आरो बजरनि

अनगायै टकिय अलिम्पिकनि सिलभार मे डेलिस्ट रबि कुमारनो ट्रायलनिफ्राय माखासे रेहाय होनो हागौ। एसियान अलिम्पिक काउन्सिल(असिए)निफ्राय एन्ट्रिदथायहरनायाव आरो रेहाय होयैनि थाखाय एडहक कमिटिआ ट्रायल्सनि खुंफुंनाय

अक्टखौ थि खालामदौं। कमिटिनि सोद्रोमा भुपेन्द्र सिं बाजवानि बादिब्ला 22 जुलाईखालि ग्रिकसन आरो आइजो केटेगरिनि ट्रायलआ खुंफुंजागोन आरो 23 जुलाईखालि प्री स्टाइल केटेगरिनि ट्रायलआ खुंजागोन। ट्रायलआ गासैबो मोन 6

केटेगरिआवनो खुंजागोन। मख'नो गोनांदि, आइअएअ असिएनिस्मि एसियान गेम्सनि एन्ट्रिनि अक्टखौ फैगौ 5 आगस्टसिम बारायनो दाबि देखदौंमोन। नाथाय आइअएनि बे खावलायनायखौ नेवसिनाने 23 जुलाईखौ थि खालामनाने होदौं। नाथाय धर्नायाव जिरायनाय गासै सा 6 रेसलारफोरा सोलिफु समाव गुबुन हादरआव ट्रेनिं लागासिनो दड। बजरं, जितेन्दर, संगिताआ किर्गिस्तान, भिनेशआ ब्रैथि रेंकिं टुर्नामेन्ट गेलेनो हांगेरिआव दंहेयोब्ला साक्षि मालिक आरो सत्यब्रत कादिदानआ आमेरिकायाव थियारि जागासिनो दड। कमिटिनि सोद्रोमा ज्ञान सिंहनि बादिब्ला, ट्रायल्सनि नेमखान्थिखौ थि खालामनो थाखाय मिरु गेलेमु मन्थि अनुराग ठाकुर आरो आइअएनि आफादगिरि पिटि उषाजौं सावरायलायनो हागौ।

## टम क्रुजनि सावथुनआ अपेनिं डेआव 10 कौटिनि बांसिन रांखौ आरजिदौं

टम क्रुजनि एक्सन एडभेन्चर सावथुन 'मिशन इम्पसिबल' निआव मुलुगनाडे गोबां फेन फलई दड। सावथुननि 7 थि रिलिजनि नायगिरिफोरा गोलाव समनिफ्राय नेनाने दडमोन। बेनि गेजेराव थानाय सानआव मिशन: इम्पसिबल-डेड रेकनिं पार्ट 1 खौ रिलिज खालामबाय। आथिखालाव सावथुननि गिबि साननि बक्स अफिस कालेक्सन आबो सोराडव फैदौं। मिशन: इम्पसिबल-डेड रेकनिं पार्ट 1 आ 2023 निमच अवेटेड सावथुन। सावथुनखौ भारतआव हिन्दी आरो इंग्रजीजौं लोगोसे तामिल आरो तेलुगुआवबो रिलिज खालामनाय जादौं। मिशन: इम्पसिबल-डेड रेकनिं पार्ट 1 आ एडभान्स बुकिंआव मोजां परफर्म खालामदौंमोन। सावथुननि एडभान्स बुकिंआ 5 जुलाईआव जागायदौंमोन आरो



11 जुलाईसिम सोलिदौंमोन। मिशन: इम्पसिबल-डेड रेकनिं पार्ट 1 आ 5 थि सानआव कौटि रांनि टिकेटखौ रिलिजनि सिगांनो फानो हादौंमोन। बेनि गिबि साननि बक्स अफिस कालेक्सननि बाध्राखौ बुडोब्ला भारतआव सावथुनआ 10 कौटिनिफ्राय बांसिन रांखौ फालांगि खालामदौं। रिपटनि बायदिब्ला, मिशन इम्पसिबल 7 आ अपेनिं डेआव ड'भेस्टिक बक्स अफिसआव 12.50 कौटि रांखौ आरजिदौं। बेयो जागायजेन्नायनि अनजिमा,

आरो बेवहाय सोलायगोननि सन्देह दड। बे सावथुनखौ क्रिस्ट'फार मेकक्वेरिया बिथोन होदौं। सावथुनआव टम क्रुजजौं लोगोसे पम क्लेमेन्टिएफ, थिं रेम्स, सामिन पेग, रेबेका फर्ग्युसन, भेनेसा किर्बी आरो हेनरि कर्जनिबो दड। बेखौ पेरामाउन्ट पिकचास आरो स्काइडान्सआ प्रेजेन्ट खालामदौं। मिशन इम्पसिबलआव आरायसमनि बायदिनो टम क्रुजजौं आरोबाव खनसे दोहौ गोनां एक्सन खालामनाय नुनो मोनगोन।

## जापाननि मडेल आरो टिभि पार्सनालिटि र्युचेलआ रुंसारि जाबाय



सावथुन इन्डस्ट्रीआव सासेनि उनाव सासे स्टारफोरनि थैनाया बिसोरनि फेन्सफोरखौ जिंगायाव खोखैदौं। बावैसो समाव बलिउडनिफ्राय लानाने हलिउड आरो खोला-करिया इन्डस्ट्रीनिफ्राय गोबां स्टारफोरा अरायसमनि थाखाय मुलुगखौ नागरालादौं। बेनि गेजेरावनो आथिखालाव जापाननि मडेल आरो टिभिनि मुंदांखा र्युचेलनि रुंसारि जानायनि खौराडा सोराडव फैदौं। 27 बोसोर बैसोयाव फावखुंगुरि र्युचेलआ रुंसारि जादौं। फावखुंगुरि गोथै स्वखौ टक्यआव मोनसे

एजेन्टिनि मावख'आव मोन्दौं। दासिमाव बिनि रुंसारि जानायनि जाहोनाखौ मिबिथिनो मोनाखै, नाथाय पुलिसआ बे बाध्राखौ नायबिजिदौं। जापाननि खौरां दा मेनिचिरीनि बायदिब्ला टक्यआव मेट्रपलिटन पुलिस बिपानआ र्युचेलनि सुइसाइड जादौं होन्ना सन्देह' खालामदौं। आथिखालाव बेनि सोमोन्दै पुलिसनि फारसे जेबो रोखोमनि बिबुंथिया सोराडव फैयाखै। मख'नो गोनांदि, र्युचेलआ 1995 आव गिन'भन अकिनभायाव

जोनोम जादौंमोन। जापान टाइम्सनि बायदिब्ला जापानआव एलजिबिटिक्यु आयदायाव गोलाव समनिफ्राय हेफाजाबगिरि महरै बियो सम सम रायजौआरि महरै बे बाध्राखौ बुडोमोन आरो टक्य'रेनब' प्राइडआव सांग्रांथि महरै बाहागो लायोमोन। बिनि मुंदांखा जानाया बालानायजौं लोगोसे बिखौ गोबां टिभि स्व' आरो जापानआव गोबां जरखा हाबाफारिफोराव नुनो मोन्दौं। 2016 आव र्युचेलआ गावनि मडेल बयफ्रेन्ड पेक'जौं जुलि जादौं। जुलिनि उनाव बे ज'राया फिसाज्जानि बिमा-बिफाबो जादौं, नाथाय बिसोर सानैनि बे सोमोन्दोआ बांसिन समसिम सोलियाखै आरो 2022 आव आलादा जायो। बियो सशेल मिडियाआव गावनि आलादा जानायनि खौरांखौ फोसावदौं।



## सिन्धु आरो लक्ष्यआ इउएस अपेनआव देरहानायजों आवगायदों

गोदान दिल्ली, 13 जुलाई: अलिम्पिक मेडलिस्ट बेडमिन्टन गेलेगिरि पिथि सिन्धु आरो लक्ष्य सेनआ मोजाडै दिन्थिफुंनो हानानै आमेरिका अपेन सुपार 300 टुर्नामेन्टनि आइजो आरो हौवा केटेगरिनि गिबि राउन्डआव देरहानायजों आवगायदों। सिन्धुआ भारतीय फोलेरिनि आमेरिकानि गेलेगिरि दिक्षा गुप्ताखौ 27 मिनिटआववो 21-15, 21-12 स्करआव फेजेन्टों आरो सेनआ फिनलेण्डनि काले कलजेनेनखौ 30 मिनिटनि गेजेराव 21-8, 21-16 स्करआव फेजेन्टों। हौवा सिंगेल्सनि गुबुन मेचआव एसएस सुब्रमनियामआ गिबि राउन्डआव आयास्लेण्डनि नाहाट एनगुएनखौ 44 मिनिटआव 21-11, 21-16 स्करआव फेजेन्टों। नाथाय बि शाइ



प्रनितआ मुलुगनि 7 थि रेंकिनि बादायारि लि शि फेंजों खेबथाम सेटसिम सोलिनय मेचआव जेनादों। 1 घन्टा 14 मिनिटसिम सोलिनय मेचआव चीननि फेंआ प्रनितखौ 16-21, 21-14, 21-19 स्करआव फे जे न्दों। गुबुन मोनसे आइजोफोरनि सिंगेल्स मेचआव भारतनि 61 थि रेंकिनि रुतिका सिबानिआ जेनादों। कमनवेल्थ गेम्सनि बारग' सेम्पियन पि काश्यपआ

गावनि नैथि मेचआव रिटयार जानादोंमोन। बिथाडा गिबि मेचआव इलेण्डनि रहन मिथाखौ फेजेन्टोंमोन। कृष्ण प्रसाद गार्गा आरो भिण्णुबर्धन गौर पन्जालानि हौवा डबल्सनि जरायाबो गिबि राउन्डनि बेन्टोंखौ बारनायाव फे लें जादों। बिथांमोननि जराखौ चीना ताइपेनि लिन यु चिए आरो सु लि भेइनि जराआ थोंजों सेटआव 21-14, 21-14 स्करआव फेजेन्टों।

## कमनवेल्थ वेट लिफ्टिंआव जानेस्वरिआ सनानि मेडेल देरहादों

गोदान दिल्ली, 13 जुलाई: कमनवेल्थ वेट लिफ्टिं सेम्पियनसिपनि गिबि सानआव छतिसगडुनि जानेस्वरि यादबआ गोखोडै दिन्थिफुंनो। गोब्राव थासारिनि जाउनावबो बिथाडा गावनि गोखों नाजानायजों वेट लिफ्टिंखौ जागायनानै गेलेमुनि फोथारआव गोदान सिनायथि होनो हाबाय। जानेस्वरिआ मिराबाइ सानुनि लिस्थायादि केटेगरि 49 कि:ग्रा: केटेगरिआव सनानि मेडेल देरहानानै सिनियर केटेगरिआव हादरनि मेडेलखौ बांहोनयनि अनगायै जुनियर केटेगरिआवबो सेम्पियन जादों। गौतम बुद्ध नगर इडनिभासिदिआव खुंजानाय बे सेम्पियनसिपनि गिबि सानआव भारतआ गार्से मोनबेंबो केटेगरिआववो सनानि मेडेल देरहानो हादों। बे साननि बादायनायाव जुनियर वर्ल्ड



सेम्पियन सेनापति गुरुनायडुआ जे न्दों। बिथांखौ 55 लिस्थायादि केटेगरिआव मुखन्ड आहिरआ फेजेन्टों। थांनाय बोसोराव जुनियर वर्ल्ड सेम्पियनसिपआव सिलभार मेडेल देरहानाय जानेस्वरिआ स्नेस आरो क्लीन एन्ड जार्कनि गार्सेबो खेब 6 दैखानायखौ

जाफुंसारै दिन्थिफुंनो। बिथाडा स्नेसआव 78 आरो क्लीन एन्ड जार्कआव 98 कि:ग्रा: लिस्थायादि दैखानानै गार्से 176 कि:ग्रा: दैखानों आरो झिल्लीआ 169 कि:ग्रा: लिस्थायादि दैखानानै सिलभार मेडेलआव मुं लाखिदों। बे केटेगरिआव इयुथ केटेगरिनि सनानि मेडेलआव

कयल बारआ 152 कि:ग्रा: दैखानानै सेम्पियन जादों। आइजोफोरनि 40 कि:ग्रा: केटेगरिआव भारतनि ज्यशना सागरआ 116 कि:ग्रा: दैखानानै सनानि मेडेल देरहादों आरो बांलादेशनि सुमना(107 कि:ग्रा:) खौ उनाव लाखिदों। 45 कि:ग्रा: लिस्थायादि केटेगरिनि इयुथ केटेगरिआव भारतनि अस्मिता धनेआ 136 कि:ग्रा: दैखानानै माल्लानि किम लगाना (134 कि:ग्रा:) खौ उनाव लाखिदों। अस्मिताआ जुनियर केटेगरिआवबो सनानि मेडेल देरहादों। बे लिस्थायादि सिनियर केटेगरिआव भारतनि कमल कहरआ 154 कि:ग्रा: दैखानानै श्रीलंकानि श्रीमाली

दिभिसेकरानि 146 कि:ग्रा: लिस्थायादि गारखलायदों। हौवाफोरनि 55 कि:ग्रा: केटेगरिनि सिनियर केटेगरिआव मुखन्ड आहिरआ गार्से 239 कि:ग्रा: दैखानानै बांलादेशनि महम्मद रेहमान ताजनि 207 कि:ग्रा: लिस्थायादि उनाव लाखिदों। बिथाडा गोखोडै दिन्थिफुंनानै जुनियर केटेगरिआव 228 कि:ग्रा: लिस्थायादि दैखानाय गुरुनायडु सेनापतिखौ गारखलायनानै सिगादों। बे केटेगरिनि इयुथ केटेगरिआव भारतनि तमछउ मैतेइआ 229 कि:ग्रा: जों सनानि मेडेल देरहादों आरो बेयाव नायडुआ नैथि नम्बरआव जायगा मोन्दों।

## अन्स जेबुरआ बारग' सेम्पियन रिबाकिनाखौ उइम्बल्डन टुर्नामेन्टनिफ्राय जानगारआव लाखिदों

उइम्बल्डन, 13 जुलाई: बे लारुसनि आर्यना सभालेन्काआ लान्थियै ब्रैथि ग्रेन्डस्लेमनि सेमिफाइनालाव सौहैबाय। बिथाडा 25 थि रेंकिनि आमेरिकानि मेडिसन किजखौ गोर्लैयनो 6-4, 6-2 स्करआव फे जे न्दोनै गिबि खेब उइम्बल्डननि सेमिफाइनालाव सौहैनयनि सिमांखौ जाफुंनोबाय। गुबुन फार्से बारग' सेम्पियन काजाकिस्ताननि एलिना रिबाकिनाखौ बारग' रानासंआप तिउनिसियानि अन्स जेबुरआ खेबथाम सेटनि सेलेन्जआव 6-7(5), 6-4, 6-1 स्करआव फे जे न्दोनै सेमिफाइनालाव सौहैयो। नैथि रेंकिनि सभालेन्काआ सोलिफु बोसोराव मोजां फर्मआववो दिन्थिफुं गार्सिनो दड। बे बोसोरनि जागायजेन्नायाव अस्ट्रेलियान अपेनआव गिबि ग्रेन्डस्लेम देरहानाय



सभालेन्काआ फ्रान्स अपेनआवबो सेमिफाइनालसिम सौहैदोंमोन आरो 2022 नि जोबनायाव इउएस अपेननि सेमिफाइनालसिमबो जायगा मोनहैदोंमोन। सवालैन्काखौ उइम्बल्डनआव बिमुं देरहागोननि दाबि दैखादों। बिथाडा साभिसआव हौवा गेलेगिरिफोरजों समान गोखोंथिजों दिन्थिफुंनोब्ला ग्राउन्ड स्ट्रकआवबो गोखोडै दिन्थिफुंनो। 2017 नि इउएस अपेननि रानासंआप मेडिसनआ

लावोफिनयानि उनाव बिथांखौ खलु होयालासे 6-4 स्करआव फे जे न्दों। रासिया आरो बे लारुसनि गेलेगिरिफोरनि सायाव बेन फोसावनायनि थाखाय सभालेन्काआ थांनाय बोसोरनि उइम्बल्डनआव गेलेनो मोनाखैमोन। नाथाय 2021 आव बिथाडा सेमिफाइनालाव सौहैदोंमोन। बै समावबो बिथाडा गावनि गोखों साभिस आरो ग्राउन्डस्ट्रकजों गुबुन गेलेगिरिफोरखौ जेनायाव खोखैदोंमोन। रिबाकिना आरो जेबुरनि गेजेराव थांनाय बोसोरनि उइम्बल्डनआव फाइनाल मेच गेलेदोंमोन आरो बेयाव रिबाकिनाआ देरहादोंमोन। बे खेबआव बिमोसोसांनैआ क्वार्टर फाइनालाव सेलेन्ज लाखिलायनो खलु मोन्दों आरो बेयाव जेबुरआ रिबाकिनानि सायाव थांनाय बोसोरनि फाइनालाव जेनायनि खिथेर लाफिनो हादों।

## अल्कारेज आरो मेदभेदेभआ गिबि खेब उइम्बल्डननि सेमिफाइनालाव



लन्डन, 13 जुलाई: टप रेंकिनि स्पेननि कार्लस अल्कारेजआ डेनमार्कनि हल्लार रुनेखौ थोंजों सेटफोराव 7-6(3), 6-4, 6-4 स्करआव फे जे न्दोनै उइम्बल्डनआव गिबि खेब सेमिफाइनालाव सौहैदों। स्नेआ बिथांनि उन्डैनि मोजां लोगोमोन आरो बिसोर सानैआ डाबल्सआव जुथायै बाहागो

लाखानायमोन। थामथि रेंकिनि रासियानि डानिल मेदभेदेभआबो उइम्बल्डनआव गिबि खेब सेमिफाइनालाव जायगा आवग्रिदों। गिबि खेब गेलेनाय आमेरिकानि क्रि स्टफार युबेक्सखौ बिथाडा मोन 5 सेटसिम सोलिनय मेचआव 6-4, 1-6, 4-6, 7-6(4), 6-1 स्करआव फेजेन्टों। 43

बोसोरनि रहन बपन्नाआ अस्ट्रेलियानि जग गेलेगिरि मेथ्यु एबडेनजों सेमिफाइनालाव मोनहैबाय। बिसोर सानैनि जराआ क्वार्टर फाइनालाव नेडारलेण्डनि टेलन ग्रीक्सपुर आरो बार्ट स्टिभेन्सखौ 6-7(3), 7-5, 6-2 स्करआव फे जे न्दों। बपन्नाआ हौवा डाबल्सआव 2013 आरो 2015 नि उनाव थामथि खेब उइम्बल्डननि सेमिफाइनालाव सौहैदों। बिथांमोननि जराआ सेमिफाइनालाव टप रेंकिनि इलेण्डनि निक स्कुपस्की आरो नेडारलेण्डनि वेस्ली कुलहाफनि जहाजों बादायगोन। बिसोर सानैआ उरुवेआ एरिल बेहर आरो चेक रिपब्लिकनि एडम पाभलासेकखौ 4-6, 6-2, 6-3 स्करआव फेजेन्टों। इलेण्डनि

स्कुपस्की आरो नेडारलेण्डनि वेस्ली कुलहाफनि टप रेंकिनि जराआ हौवा डाबल्सनि सेमिफाइनालाव सौहैदोंब्ला, आइजो डाबल्सनि गुबुन मोनसे क्वार्टर फाइनालाव अस्ट्रेलियानि स्टर्म सेन्डासं आरो बेल्जियामनि एलिस मर्टेन्सनि थामथि रेंकिनि जराआ इलेण्डनि नैकिता बेन्स आरो माया लुम्सेडेनखौ 6-2, 6-2 स्करआव फेजेन्टानै सेमिफाइनालाव जायगा आवग्रिदों। 13 बोसोरनि बपन्नाआ हौवा डाबल्सआव खेब 4 ग्रेन्डस्लेमनि सेमिफाइनालाव जायगा आवग्रिबाय। बपन्ना आरो एबडेननि जराआ 1 घन्टा 54 मिनिटसिम सोलिनय मेचनि गिबि सेटआव जेन्टोंब्लाबो आवगायफिनानै देरहानो हादों।

## एसियान गेम्सनि सिगां साइना नेहवालआ अमरनाथसिम सौहैदों



अमरनाथ, 13 जुलाई: एसियान गेम्सआ फेगौ 23 सेप्टेम्बरनिफ्राय जागायगोन। जायनि थाखाय भारतीय गेलेगिरिफोरा थियारि जागासिनो दड। हंजौआव जानो गोनां बे गेम्सआव भारतीय फेन्सफोरा गेलेगिरिफोरनिफ्राय गोबां मिजिथिदों। 2018 आव जाकार्ता आरो पालेम्बेआव जालानाय थांनाय सिजनआव भारतीय टीमआ गं 16 सना, गं 23 सिलभार आरो गं 31 ब्रन्जजों गार्से गं 70 मेडेल देरहादोंमोन आरो मेडेलनि फारिआव 8 थि नम्बरआव जायगा मोन्दोंमोन। बेबादि थासारिआव बे खेबआव फेन्सफोरा भारतीय गेलेगिरिफोरनिफ्राय बांसिनै मिजिथि लानानै दड। बे गेम्सनि सिगां भारतनि स्टा र्बेडमिन्टन गेलेगिरि साइना नेहवालआ अमरनाथसिम दावबायनानै बाबा बलेनाथनाव बोर लाहैदों। थांनाय माखासे साननिफ्रायनो गात्रि फर्मआव गोग्लैनाय साइनाआ गावनि दावबायनायखौ लानानै गोजोन्नाय फोरमायदों। बिथाडा गावनि बिमाजों अमरनाथसिम सौहैनानै बाबानाव बोर लाहैनयखौ फोरमायदों आरो गावखौनो गाव खाफाल गोनां मोन्दाथिनायखौ फोरमायदों। लोगोसे अमरनाथ चाइनेबर्डनि अनगायै बेयाव थांनाय भारतीय रौनियानि सुबुंफोरनिसिम साबायख'र होदों। 33 बोसोरनि साइनाआ बिडब्लिउएफ वर्ल्ड रेंकिंआव 31 नम्बरआव जागा आवग्रिनानै दड। बिथाडा थांनाय गोलाव समनिफ्रायनो मोनसेबो बिमुं देरहायाखै। सोलिफु बोसोराव बिथाडा मोन 6 गिदिर टुर्नामेन्टआव बाहागो लादोंब्लाबो गिबि एबा नैथि राउन्डनिफ्रायनो जानगारदों। सोलिफु बोसोरनि जागायजेन्नायाव जालानाय मालएशिया अपेनआव बिथाडा राउन्ड अफ 32 निफ्रायनो जानगारआव थांनदोंब्ला इन्डिया अपेनआवबो राउन्ड अफ 16 आवनो जानगारदों। बेनि अनगायै इन्डनेसिया मास्टर्सआवबो नेहवालआ राउन्ड अफ 16 आव जेनादों आरो अलियान्स मास्टर्सआवबो राउन्डअफ 32 आव जेनादोंमोन।

गोदान दिल्ली, 13 जुलाई: भारतीय आइजो हकी टीमआ थांनाय बुधवारखालि एसियान गेम्सनि थियारिनि थाखाय इउरपसिम दावबायबाय। बे दावबायनायाव सभिता पुनियानि भारतीय टीमआ गिबियै खेबथाम मेच सिरिजनि थाखाय जार्मानिसिम दावबायगोन आरो बेनि उनाव स्पेन हकी फेडरेसननि 100 थि गायसन्नाय साननि टुर्नामेन्टआव बाहागो लागोन। जार्मानआव भारतीय टीमनि गेलेनाया लिनबार्गआव 16 जुलाईनिफ्राय चीननि हेंथायै जागायनायनि

## इउरपसिम दावबायनाय भारतीय हकी टीमनि केप्टेनआ गोखोडै दिन्थिफुंनोनि फोथारथि लाखिदों

गोदान दिल्ली, 13 जुलाई: भारतीय आइजो हकी टीमआ थांनाय बुधवारखालि एसियान गेम्सनि थियारिनि थाखाय इउरपसिम दावबायबाय। बे दावबायनायाव सभिता पुनियानि भारतीय टीमआ गिबियै खेबथाम मेच सिरिजनि थाखाय जार्मानिसिम दावबायगोन आरो बेनि उनाव स्पेन हकी फेडरेसननि 100 थि गायसन्नाय साननि टुर्नामेन्टआव बाहागो लागोन। जार्मानआव भारतीय टीमनि गेलेनाया लिनबार्गआव 16 जुलाईनिफ्राय चीननि हेंथायै जागायनायनि



उनाव टीमआ 18 आरो 19 जुलाईखालि मेचखौ दैदेनग्रा जार्मानजों सेलेन्ज लाखिगोन। बेनि उनाव भारतीय हकी टीमआ स्पेनिस हकी फेडरेसननि 100 थि बोसोरारि

गायसन्थायनि इन्टारनेसेनेल टुर्नामेन्टनि थाखाय 20 जुलाईखालि स्पेननि टेरसासिम दावबायगोन। बे समाव भारतआ गावसोरनि मेचखौ 25 जुलाईखालि स्पेनजों

बादायनायनि उनाव 27 जुलाईआव खोला आफ्रिका आरो जोबथा गुप मेचआव 28 जुलाईखालि इलेण्डजों बादायगोन। भारतीय टीमआ दावबायनायनि सिगां केप्टेन सभिताआ गावसोरनि दावबायगोनखौ लानानै गोजोन्नाय फोरमायदोंमोन आरो

गोखों टीमफोरनि हेंथायै मोजाडै दिन्थिफुंनो हागोननि फोथारथि होदोंमोन। लोगोसे बेनिफ्राय एसियान गेम्सनि थियारिआव मुलाम्फा मोनगोननि मिजिं लादों। भारतीय टीमआ थांनाय माखासे दानफोरनि गेजेराव गावसोरनि डिफेन्स आरो गोरोन्थिफोरखौ सुद्रायनायनि

हाबा मावनायनि उनाव जार्मान आरो स्पेनआवबो गावसोरनि बे फर्मखौनो लाखिफिनो नाजागोन। बेखौ लानानै लेडाइ केप्टेन दीप ग्रं स एक्काआ दावबायनायनिफ्राय आरोबाव गोरोन्थिफोरखौ सुद्रायनो खलु मोनगोनखौ फोरमायदों।

## ELECTION COMMISSION OF INDIA

Nirvachan Sadan, Ashoka Road, New Delhi-110001.

No.282/AS/2023(DEL)/Vol.IV

Dated: 12<sup>th</sup> July, 2023

### NOTICE

The Election Commission of India issued order and notification of even no. dated 20<sup>th</sup> June, 2023, inviting suggestions and objections to its draft proposal on the delimitation of Assembly and Parliamentary constituencies of the State of Assam, by 11<sup>th</sup> July, 2023. In this connection, about 500 suggestion/objections have been received by the stipulated date. All these are under consideration of the Commission.

Now, the Commission has decided to hold public sittings in the State of Assam to hear the suggestions/objections, as received from the persons with reference to its draft proposal published on 20<sup>th</sup> June, 2023 in the Central & State Gazettes as well as in vernacular newspapers. The Schedule for public sittings is as under:-

### Public Sittings

Date	Time	Venue	Districts
(19.07.2023)	15:00 Hrs onwards	Srimanta Sankaradeva International Auditorium, Kalakshetra, Panjabari Road, Guwahati.	Kokrajhar, Chirang, Baksa, Udaiguri, Karbi Anglong, West Karbi Anglong & Dima Hasao.
(20.07.2023)	09:30 Hrs – 12:00 Hrs	Dhubri, Goalpara, South Salmara, Bongaigaon, Barpeta, Nalbari, Karimganj, Hailakandi & Cachar.	Salmara, Bongaigaon, Barpeta, Nalbari, Karimganj, Hailakandi & Cachar.
	12:00 Hrs – 14:00 Hrs		
	15:30 Hrs onwards		
(21.07.2023)	09:30 Hrs to 12:30 Hrs	Dibrugarh, Tinsukia, Dhemaj, Lakhimpur, Sibsagar, Jorhat, Charaideo, Golaghat & Majuli.	Dibrugarh, Tinsukia, Dhemaj, Lakhimpur, Sibsagar, Jorhat, Charaideo, Golaghat & Majuli.

Those who have submitted the suggestions/objections and are desirous to present their matter before the Commission may appear as per the above mentioned program.

JANASANYOG/DE/869/23

Sd/-  
(ASHWANI KUMAR MOHAL)  
SECRETARY